

«ԳՈՐԻՄԻ ՅՈՒ. ԲԱԽՇՅԱՆԻ ԱՆՎԱՆ ԹԻՎ 3 ՀԻՄՆԱԿԱՆ ԴՊՐՈՑ» ՊՈԱԿ-Ի
ՄԱՆԿԱԿԱՐԺԱԿԱՆ ԽՈՐՀՐԴԻ ԱՐՏԱՀԵՐԹ ՆԻՍՏԻ
ԱՐՁԱՆԱԳՐՈՒԹՅՈՒՆ N° 6

«03» ապրիլի 2026թ.

ք. Գորիս

Նիստին ներկա էր Մանկավարժական խորհրդի 57 անդամից 50-ը: Նիստին ներկա չէին Մարգարիտա Պետրոսյանը, Թագուհի Գրիգորյան, Հեղինե Հովսեփյանը, Գոհար Յուզբաշյանը, Կարինե Շեգունցը, Կարինե Արզումանյանը, Մանե Հովհաննիսյանը:

Օ Ր Ա Կ Ա Ր Գ

1. Օրակարգի հաստատում:

(զեկուցող՝ Ս. Ավանեսյան)

2. Գորիսի Յու. Բախշյանի անվան թիվ 3 հիմնական դպրոցի տնօրենի ընտրության մասին հարցը:

(զեկուցող՝ Ս. Ավանեսյան)

Լսեցին 1.

Օրակարգի հաստատման մասին հարցը:

(զեկուցող՝ Ս. Ավանեսյան)

Զեկուցողը ներկայացրեց օրակարգի կետերը:

Արտահայտվեցին՝

Որոշեցին՝

Հաստատել մանկավարժական խորհրդի արտահերթ նիստի օրակարգը:

Լսեցին 2.

Գորիսի Յու. Բախշյանի անվան թիվ 3 հիմնական դպրոցի տնօրենի ընտրության մասին հարցը:

(զեկուցող՝ Ս. Ավանեսյան)

Զեկուցողը տեղեկացրեց, որ 2024 թվականի օգոստոսի 19-ին լրացել է դպրոցի նախկին տնօրենի պաշտոնավարման ժամկետը, ինչից հետո Սյունիքի մարզպետի համապատասխան հրամանով դպրոցի տնօրենի պաշտոնակատար է նշանակվել ինքը՝ նախկինում զբաղեցնելով ուսումնական գծով տնօրենի տեղակալի պաշտոնը:

Զեկուցողը նշեց, որ 2021 թվականից իր պաշտոնավարման ընթացքում՝ որպես ուսումնական գծով տնօրենի տեղակալ, նախաձեռնել և իրականացրել է մի շարք համակարգային և նպատակային աշխատանքներ՝ ուղղված կրթության որակի բարձրացմանը, փաստաթղթաշրջանառության կատարելագործմանը, ինչպես նաև աշխատակիցների և սովորողների միջև առողջ բարոյահոգեբանական միջավայրի ձևավորմանը: Ըստ զեկուցողի իրականացված քայլերը եղել են հետևողական և արդյունաբերական, ինչի շնորհիվ դպրոցը ձեռք է բերել դրական առաջընթաց և տարածաշրջանում ձևավորել մրցունակ կրթական միջավայր:

Նա ընդգծեց, որ տնօրենի պաշտոնակատար նշանակվելուց հետո նույնպես շարունակվել են կրթության որակի բարելավմանն ուղղված նախաձեռնությունները՝ պահպանելով արդեն ձևավորված դրական միտումները և ընդլայնելով զարգացման ուղղությունները: Կարծիք հայտնեց, որ 2025–2026 ուսումնական տարվա ավարտին իրականացված համալիր միջոցառումները նույնպես լինելու են արդյունավետ և նպաստելու են ուսումնական գործընթացի որակական առաջընթացին:

Զեկուցողը նշեց, որ 2024 թվականին դպրոցում իրականացվել են տեսչական ստուգումներ, իսկ 2025 թվականին՝ ֆինանսական և կազմակերպչական աուդիտ: Վերջիններիս արդյունքներով արձանագրվել է, որ ուսումնական գործընթացի կազմակերպումը և փաստաթղթաշրջանառության իրականացումը համապատասխանում են սահմանված պահանջներին և գտնվում են պատշաճ մակարդակի վրա: Միաժամանակ ընդգծվեց, որ իրականացվող աշխատանքներն ունեն համակարգված բնույթ և ուղղված են կրթական գործընթացի շարունակական բարելավմանը:

Զեկուցողը նաև տեղեկացրեց, որ 2024 թվականի օգոստոսից ի վեր տնօրենի թափուր պաշտոնի համար պարբերաբար հայտարարվել են մրցույթներ, սակայն դրանք չեն հանգեցրել պաշտոնի համալրմանը: Նշելով իր կողմից իրականացված և շարունակական բնույթ կրող աշխատանքների կարևորությունը՝ զեկուցողը հայտնեց, որ կայացրել է որոշում մասնակցել հերթական հայտարարված մրցույթին՝ նպատակ ունենալով ապահովել սկսված գործընթացների շարունակականությունն ու զարգացումը:

Միաժամանակ, զեկուցողը կարևորեց մանկավարժական խորհրդի անդամների ակտիվ մասնակցությունը դպրոցի զարգացման գործընթացներին՝ առաջարկելով ներկայացնել կրթության որակի հետագա բարելավմանն ուղղված առաջարկություններ: Նա ընդգծեց, որ դպրոցն ընդգրկված է ՀՀ կառավարության «300 դպրոց, 500 մանկապարտեզ» ծրագրում, որի շրջանակում ներկայումս իրականացվում են հիմնանորոգման աշխատանքներ: Նշեց, որ ակնկալվում է, որ ծրագրի ավարտին դպրոցը կունենա արդիականացված ուսումնական միջավայր՝ նոր գույքով, վերազինված լաբորատորիաներով և կաբինետներով, ինչը լրացուցիչ հնարավորություն կստեղծի կրթական գործընթացի արդյունավետ կազմակերպման և զարգացման համար:

Արտահայտվեցին՝

Մանկավարժական խորհրդի անդամներ
Գայանե Գրիգորյանը նշեց, որ կարող է վստահորեն ասել՝ ամեն ինչ ընթանում է բարձր մակարդակով: Նրա խոսքով՝ Գորիսի Յուրի Բախշյանի անվան թիվ 3 հիմնական դպրոցը իր գործունեությամբ առանձնանում է մյուս կրթօջախների շարքում՝ դառնալով օրինակելի միջավայր կրթության կազմակերպման և զարգացման տեսանկյունից:

Կարելի է վստահաբար արձանագրել, որ այս հաջողությունների հիմքում ընկած է դպրոցի մանկավարժական անձնակազմի միասնական, նպատակաուղղված և նվիրված աշխատանքը, որը նպաստում է կրթության որակի շարունակական բարձրացմանն ու սովորողների համակողմանի զարգացմանը:

Միաժամանակ, արտահայտվողները ներկայացրին իրենց մտահոգություններն ու առաջարկությունները՝ հիմնականում անդրադառնալով դպրոցի նյութատեխնիկական բազայի հարստացման անհրաժեշտությանը: Մասնավորապես ընդգծվեց լաբորատորիաների և առարկայական կաբինետների արդիականացման, ուսումնական սարքավորումների և տեխնիկական միջոցների համալրման կարևորությունը՝ որպես կրթության որակի շարունակական բարձրացման կարևոր նախապայման:

Անդամները վստահություն հայտնեցին, որ նախատեսվող հիմնանորոգման աշխատանքներն ու ծրագրային բարելավումները կնպաստեն դպրոցի զարգացմանը և կապահովեն ուսուցման կազմակերպումը ժամանակակից պահանջներին համապատասխան:

Որոշեցին՝

Ընդունել ի գիտություն Գորիսի Յու. Բախշյանի անվան թիվ 3 հիմնական դպրոցի տնօրենի պաշտոնակատար Սերգեյ Ավանեսյանի կողմից ներկայացված զեկույցը:

Խորհրդի նախագահ՝
Քարտուղար՝



Ս. Ավանեսյան
Ա. Ջեյնալյան